

ଏଫିସୀୟମାନଙ୍କ ନିକଟକୁ ପାଉଲଙ୍କ ପତ୍ର ଏପିସିୟଇଂନେ ଡାଗ୍ରା ପାଉଲ୍‌ନେ ଉଲିଆଃ ଏପିସିୟ ବଇ ବିସୟରେ ଉଃଡ଼ିକ୍‌ଗ୍ ସାମୁଆଁ

ଏଫିସି ମଣ୍ଡଳି ଡାଗ୍ରା ପାଉଲ୍‌ନେ ଉଲିଆଃ ପାଉଲ୍‌ନେ ବାନ୍ ପାକାପାକି ୭୦ କିସଟାବଦ ବିତ୍ରେ କଲସିୟ ମଣ୍ଡଳି ଡାଗ୍ରା ଗୁଆରନେ ବେଲା ଗୁଆରବଗେ । ଗୁଆରଣ୍ଡେ ମେଁ ନିଜେ ପ୍ରେରିଡ଼ ପାଉଲ୍ ଡାଗରେ ପରିଚୟ ବିଃବକେ ୧:୧ । ଜଦି କଲସିୟ ସାସ୍ତ୍ରନ୍ନିଆ ନିଜର୍ ସାର୍ଲନେ ଆଲେଃଲା ଡିଗ୍ ଗୁଲେ ପଣ୍ଡିଡ଼ ଏଫିସି ସାସ୍ତ୍ରକେ ପାଉଲ୍ ଗୁଆରବକେ ଡାଗରେ ବାସଙ୍ଗଡ଼ିଆରକେ । ଆକେନ୍ ନସା ଡିଂଲେଃଏ ସର୍ତ୍ତେ ମଣ୍ଡଳିକେ ଉଲିଆଃ ବିଃନେ ଉଦେସ୍ ବଚେ ଗୁଆରବଏ । ପାଉଲ୍ ଆକେନ୍ ଶ୍ରିଗ୍ ଆଃଦର୍ସେ ବିଃଡ଼ିଂକେ ଜେ ମେଁ ଆକେନ୍ ଉଲିଆଃ ଗୁଆରନେ ବେଲା ମେଁ ବନ୍ଦି ଲେଃଗେ । ୩:୧; ୪:୧; ୬:୨୦ । ପାଉଲ୍ ତୁଖ୍‌କକେ ଏଫିସି ମଣ୍ଡଳିନ୍ନିଆ ବେଚେ ମେଁନେ ଡ୍ରୁନ୍ନିଆ ଆକେନ୍ ଉଲିଆଃ ବେବଗେ ୬:୧-୭ ।

ଏଫିସି ଏସିଆ ଦେସନେ ମୁଇଂ ମ୍ଲା ସହର୍ ବାରି ରାଜଦାନି ଲେଃଗେ । ଏଫିସି ଗ୍ରୀକ୍ ଦେବତା ଆର୍ଡେମୀନେ ପୁଜା ବାରି ଆକମେନେ ମନ୍ଦିର୍ ନସା ଉଡ୍ରା ଡିଂଲେଃକେ ପ୍ରେରିଡ଼ ୯:୨୩-୩୧ । ଏଫିସି ମଣ୍ଡଳି ପର୍ତୁଡ଼ମ୍ ତାଟ୍ ଲେଃଗେ ମାତର୍ ଇଡ଼ିଂ ଦୁକ୍ କସ୍ ପାଙ୍ଗକେ ପ୍ରକାସିଡ଼ ୨:୧-୭ । ପାଉଲ୍ ମେଁନେ ଗୁଆରନେ ଅଦା ବାଗନ୍ନିଆ ଇସପର୍ ଡିରକମ୍ ମେଁନେ ରେମୁଆଁଇଂକେ ସିକେ ଆରି ଡିରକମ୍ ଜିସୁକେ ବିଚେ ପାପ୍‌ବାନ୍ ଆଃମ୍‌କେ ଆତେନ୍ ଆଃବୁଜେ ବିଃଡ଼ିଂକେ ।

ପାଉଲ୍ ମଣ୍ଡଳିକେ ଗାଗଡ଼େ ଏତେ ସମାନ୍ ଆଃଡ଼ିଂଚେ କିସଟ ଆକମେନେ ବାଆଃ ବାରି କନ୍‌ଆଃଡ଼ାନେ ମ୍ଲା ବ୍ରି ଜା ଏତେ ମିସୁଚେ

ମୁଇଂନ୍ନିଆ ମ୍ବା ତିଂତିଂକେ । ପାଉଲ୍ଲନେ ଉଲିଆଃନେ ମେତାଃ ବାଗ୍ନିଆ କିସ୍ତିୟ ଜିବନ୍ ବିସୟରେ ଆଦେସ୍ ବିଃତିଂକେ ।

ସାସ୍ତ୍ର ବିତ୍ତେ ଲେଃକ୍ସେ ସାମୁଆଁଇଂ

୧. ପାଉଲ୍ଲନେ ସାର୍ଲ ବାରି ସ୍ବାମୁଆଃ ବିଃନେ । ୧:୧-୨
୨. କିସ୍ତିନେ ଏତେ ମାଣ୍ଡୁଲିନେ କୁଡ଼େଃମାଡ଼େଃ । ୧:୩-୩:୨୧
୩. କିସ୍ତିୟ ଜିବନ୍ ବୁଆ ତିକେଃନେ ଉପାୟ । ୪:୧-୬:୨୦
୪. ପାଉଲ୍ଲନେ ସାରାସାରି ସାର୍ଲ । ୭:୨୧-୨୪

ଏପିସିୟ ରେମୁଆଁଇଂ ତାଗ୍ରା ପାଉଲ୍ଲନେ ଉଲିଆଃ

^୧ ଇସ୍ପରନେ ଇକ୍ତା ଇସାବ୍ରେ କିସ୍ତି ଜିସୁନେ ମୁଇଂ ବେବକ୍ସେ ସିସ୍ ରକମ୍ ବା ଲେଃକ୍ସେ ପାଉଲ୍ଲ ଜିସୁ କିସ୍ତି ଏତେ କୁଡ଼େତେ ବିସ୍ବାସରେ ବୁଆ ତିକେଃନେ ଏପିସିୟନେ ଇସ୍ପରନେ ବକ୍ତ୍ତଇଂ ତାଗ୍ରା ଆକେନ୍ ଉଲିଆ ଗୁଆର୍ ମ୍ବକେ ।

^୨ ନେ ଆବା ଇସ୍ପର୍ ବାରି ମାପ୍ତୁ ଜିସୁ କିସ୍ତି ଆପେକେ ଆସିର୍ବାଦ୍ ବାରି ସାନ୍ତି ବିଲେ ।

ଆମ୍ବିକ ଆସିର୍ବାଦ୍

^୩ ଦନ୍ୟ ନେନେ ମାପ୍ତୁ ଜିସୁ କିସ୍ତିନେ ଆବା ଇସ୍ପର୍ । ମେଃତାଗ୍ଲା ମେଁ ଆନେକେ କିସ୍ତି ଏତେ ଆମିସୁତେ କିତଂ ରେମୁଆଁନେ ସାପା ଆମ୍ବିକ ଆସିର୍ବାଦ୍ ବିଃବକେ ।

^୪ ଦର୍ତ୍ତନି ଆଃରେନେ ସିସେବାନ୍ ଇସ୍ପର୍ ଆନେକେ ସ୍ତ୍ରି ବକେ । ବାରି ମେଁ ତାଗ୍ରା ନେ ପବିତ୍ର ଆରି ନିର୍ଦ୍ଦସ୍ ତିଂନେ ନ୍ସା ଏକେ କିସ୍ତିନେ ଏତେ ମିସୁଃ ନେଲେକେ । ତାଗ୍ଲା ମେଁନେ ଆଲାଦ୍ ନ୍ସା ।

^୫ ଜିସୁ କିସ୍ତିବାନ୍ ମେଁ ଆନେକେ ମେଃନେ ଉଜ୍ଡେତେ ରକମ୍ ଗ୍ରାଅନ୍ ତିଜ୍ଝା ତିଆର୍ ତିଜ୍ଝବଗେ; ଆକେନ୍ଆ ଲେଃଗେ ମେଃନେ ସାର୍ଦା ବାରି ଇକ୍ତା ।

^୬ ଇସ୍ପରନେ ଅଃକେନ୍ ଅନୁଗ୍ରା ଲେଃଗସା ବାରି ମେଁନେ ନିଜର୍ ଉଜ୍ଡେତେକେ ସରା ତାବୁରେ ବିବଗସା ନେ ଇସ୍ପରନେ ଦନ୍ୟବାଦ୍ ତିଜ୍ଝେତିଜ୍ଝ ।

୭ ✨କିସ୍ତ ଗୁଣ୍ଡେ ବାନ୍ ନେ ମୁକ୍ତି ବାନେଲେଃକେ ବା ନେନେ ସାପା ପାପ୍ କେମା ତିଙ୍ଗ୍ଲେଃକେ । ଇସ୍ପର୍‌ନେ ଅନୁଗ୍ରହ ଉଡ଼ି ମ୍ନା !

୮ ଆଡେନ୍ ମେଁ ଆନେକେ ଜବର୍ ବାବ୍‌ରେ ବିବକେ ।

୯ ଇସ୍ପର୍ ମେଃନେ ଗୁଲେ ବୁଦି ବାରି ଗର୍‌ବେ ବିତ୍‌ରେବାନ୍ କିକେନେ ବାନ୍ ଜା ମନେ ତିଙ୍ଗ୍‌ବଗେ ଆଡେନ୍ ପୁରନ୍ ତିଙ୍ଗ୍‌ବକେ ବାରି ଆମେକେ କିସ୍ତନେ ସାଇଜରେ ପୁରା ଆଡିଙ୍ଗ୍‌ନେସା ମେଁ ଆଣ୍ଟିନେ ବୁଡ଼ିଲେଃକେ ଜଜନା ତିଙ୍ଗ୍‌ବଗେ ଆଡେନ୍ ନେ ଡାଗରା ଆନ୍ନା ବକେ ।

୧୦ ଆଡେନ୍ ଜଜନା ଇସାବ୍‌ରେ କିତଂ ବାରି ମଞ୍ଚପୁରନେ ସାପା ଆରେକ୍‌ଜେ ଜିନିସ୍ ମୁଇଁ ତିଙ୍ଗ୍‌ଏ ବାରି କିସ୍ତ ଆଡେନ୍ ସାପାରେନେ ବାଆଃ ରକମ୍ ତିଙ୍ଗ୍‌ଚେ ଲେଃଏ । ଆକେନ୍ ଜଜନା ଇସ୍ପର୍ ଟିକ୍ ବେଲା ଆଃଡାଏ ।

୧୧ ସାପା ବିସୟ ଇସ୍ପର୍‌ନେ ଜଜନା ବାରି ନିସ୍ପତି ଇସାବ୍‌ରେ ତିଙ୍ଗ୍‌ଏ; ମୁଲେବାନ୍ ତିଙ୍ଗ୍‌ବକେ ନିଜେନେ ଉଦେସ୍ ପୁରା ଆଡିଙ୍ଗ୍‌ସା କିସ୍ତ ବାନ୍ ମେଁନେ ନିଜର୍ ରେମୁଆଁ ତିଙ୍ଗ୍‌ନେସା ଇସ୍ପର୍ ଆନେକେ ସ୍ତ୍ରବକେ ।

୧୨ ଏଲାପା ଜାଣ୍ଟେଇଁ ପରତୁମ୍ କିସ୍ତ ଡାଗରା ଆସା ନେବଗେ ସାପାରେ ଇସ୍ପର୍‌ନେ ମଇମା ଅସ୍‌ମାର୍ ନେଃସାର୍‌ପା ।

୧୩ ଯେ ତିଗ୍ ଉଡ଼ିବେଲା ଉଦାର୍ ବିନେ ଆକେନ୍ ମାପୁରୁ ସାମୁଆଁ ସତ୍ ବ୍ଲାଲିର୍ ଯେଅଁକେ ଆଡେନ୍ କାଲାବାନ୍ ଇସ୍ପର୍‌ନେ ତିଙ୍ଗ୍‌ନେଲେଃକେ । ଯେ କିସ୍ତକେ ବିସ୍‌ବାସ୍ ତିଙ୍ଗ୍‌ପେଲେଃଗ୍‌ସା ଇସ୍ପର୍ ମେଃନେ ପାର୍‌ମାନ୍ ଇସାବ୍‌ରେ ପବିତ୍ର ଆମ୍ବାକେ ବିଚେ ଯେ ଆଡାତ୍ରା ମେଃନେ ଜିଦ୍‌ନେ ସିଲ୍ ବଗ୍‌ବକେ ।

୧୪ ଇସ୍ପର୍ ମେଁନେ ରେମୁଆଁକେ ଆଣ୍ଟିନେ ସାପା ଜିନିସ୍ ବିନ୍‌ସା ପାର୍‌ମାନ୍ ତିଙ୍ଗ୍‌ବକେ, ଆଡେନ୍ ସାପା ନେ ନେବାଏ, ପବିତ୍ର ଆମ୍ବା ମେଁନେ ସାକି ରକମ୍ । ଇସ୍ପର୍ ମେଁନେ ରେମୁଆଁକେ ମନ୍ ଇକ୍‌ଚାରେ ଲେଃନସା ଜିବନ୍ ବିଏ, ଆକେନ୍ ଗୁଣ୍‌ନସା ଏଲାପା, ଇସ୍ପର୍‌ନେ ମଇମା ଅସ୍‌ମାର୍ ନେଃସାର୍‌ପା ।

ପାଉଲ୍‌ନେ ପାର୍‌ଡନା

୧୫ ଆକେନ୍ ଆଡ଼ାବାନ୍ ମାପରୁ ଜିସୁ ଡାଗ୍ରା ଯେନି ବିସ୍ବାସ ବାରି ସାପା ସାଦୁ ଆଡ଼ାତ୍ରା ଆଣ୍ଟିନେ ଆଲାଦ୍

୧୬ ଆଡ଼ବା କବର୍ ବାଚେ ନେଙ୍ଗ୍ ଡିଗ୍ ନେଙ୍ଗ୍ ପାର୍ତନାରେ ଯେନେ ମ୍ନି ଗୁଆରଚେ ଯେ ଆଡ଼ଲା ଦନ୍ୟବାଦ୍ ବିନ୍ସା ମନ୍ ଉନା ଡିଙ୍ଗ୍ନାଡିଙ୍ଗ୍କେ ।

୧୭ ବାରି ମଇମାମୟ ଆବା ନେନେ ମାପରୁ ଜିସୁ କିସଟନେ ଇସ୍ପରକେ ପାର୍ତନା ଡିଙ୍ଗ୍ଡିଙ୍ଗ୍ ଡିରକମକି ମେଁ ଆପେକେ ପବିତ୍ର ଆମ୍ବା ବିଏ । ଆଡେନ୍ ଆମ୍ବା ଆପେକେ ବୁଦି ବିଏ ବାରି ଇସ୍ପରକେ ଯେ ଡାଗ୍ରା ଆସୁଏ ଏ । ତେଲା ଯେ ଆମେକେ ଯେମ୍ପାଃଏ ।

୧୮ ନେଙ୍ଗ୍ ଗୁଆରେ ଶ୍ରିଂକେ, ଡିରକମକି ମେଁନେ ଡାରକିଗ୍ କିକେନ୍ସା ଯେ ବିଡ଼ରେ ଲେଃକ୍ଲେ ଘୁଆଃ କେଏ । ତେଲା ଆଣ୍ଟିନେ ଆସା ଆଡ଼ଲା ଯେ ମେଁବାନ୍ ପାଙ୍ଗ୍ପେଲେଃକେ, ସାଦୁଇଂନେ ବିଡ୍ରେ ମେଁନେ ଅଦିକାର୍ନେ ଗୌରବ୍ ରକମ୍ ଦନ୍ ମେଃନେ, ଆଡେନ୍ ଯେମ୍ପାଃଏ ।

୧୯ ମେଃନେ ରେମୁଆଁଇଂନେ ବାନ୍ ମେଁ ପାର୍ମାନ୍ ଡିଙ୍ଗ୍ବକ୍ଲେ ମ୍ନା ଆସିରବାଦ୍ ଆଣ୍ଟେଙ୍ଗ୍ ଜେ ଉଡ଼ି ଜବର୍ ବାରି ନେ ରକମ୍ ବିସ୍ବାସି ରେମୁଆଁଇଂ ଡାଗ୍ରା ମେଁନେ ବପୁ ଜେ ଉଡ଼ି ମ୍ନା ଆଡେନ୍ ଯେ ମ୍ପାଃପେୟାଏ ।

୨୦ ଏବେ ନେ ବିଡ଼ରେ ବୁଡ଼ି ଲେଃକ୍ଲେ ଆଡେନ୍ ବପୁ ବାନ୍ ଆଃ ଇସ୍ପର କିସଟକେ ଗୁଏକ୍ଲେବାନ୍ ଆଡ଼ିଆଚେ ଆମେକେ କିତଂନେ ରେମୁଆଁ ଆଡିଙ୍ଗ୍ଚେ ନିଜର୍ ଇଂଚଙ୍ଗ୍ଡି ପାକା ଆଡୁଆବକେ ।

୨୧ କିସଟ ସାପା କିତଂନେ ସାସନ୍ ଡିଙ୍ଗ୍ଶ୍ରେ କେମତା ବିଃନ୍ସା ଅଦିକାର୍ ବା ଲେଃକେ ବପୁଲେଃକେ ବାରି ସାସନ୍ ଡିଙ୍ଗ୍ଶ୍ରେନେ ଆଡ଼ାତ୍ରା ସାସନ୍ ଡିଙ୍ଗ୍ମ୍ୟାକେ ଏବେ ଡିଙ୍ଗ୍ଲେ ଶ୍ରିଲ୍ଲା ଇଡ଼ିଙ୍ଗ୍ ଡିଙ୍ଗ୍ଲେକ୍ଲେ କେମତା ଗୁଆରବକ୍ଲେ ସାପା କୁରଚିନେ ବାନ୍ ମେଃନେ କୁରଚି ସାପାବାନ୍ ମ୍ନା ।

୨୨ ✨ଇସ୍ପର ସାପା ବିସୟ୍ କିସଟନେ ୱ ବୁହେ ବକେ ବାରି ସାପା ବିସୟ୍ ଆଡ଼ାତ୍ରା ଆମେକେ ସାପାବାନ୍ ମ୍ନା ମାପରୁ ଆଡିଙ୍ଗ୍ଚେ ମଣ୍ଟଲିକେ ବିବକେ ।

୨୩ ମଣ୍ଟଲି କିସଟନେ ଗାଗ୍ଡେ; ମଣ୍ଟଲିବାନ୍ କିସଟ କାମ୍ ଡିଙ୍ଗ୍କ୍ଲେ

ପୁରାପୁରି ପୁରନ୍ ତିଙ୍ଗ୍‌ଏ; ବାରି କିସ୍‌ଟ ସାପା ବିସୟ ପୁରନ୍ ଆଡିଙ୍ଗ୍‌ଏ ।

୨

ଗୁଏନେ ବାନ୍ ଜିବନ୍ ବାନେ

୧ ✨ପେନି ଅମାନି ତିଂନେ ବାରି ପାପ୍ ତିଙ୍ଗ୍‌ପେଡିଂଗେସା ସିସେ ଆମ୍ବାରେ ଗୁଏ ପେଲେଃଗେ ।

୨ ଆଡେନ୍ କେଲା ପେ ଜାଗତିକନେ ସଡ଼ ଶୁବୁନେ ଗାଲିପାକା ଝେପେଡିଂଗେ, କିତଙ୍ଗ୍‌ଇନିନେ ଗାଗ୍‌ଡେ ଶୁବୁନେ ସାସନ୍ ତିଙ୍ଗ୍‌ଶ୍ରେ ଡାଗରା ଲେଃପେଡିଙ୍ଗ୍‌କେ । ଆଡେନ୍ ଇଃସାଙ୍ଗ୍ ଏବେ ଇସ୍‌ପର୍‌ନେ ଆଦେସ୍ ଅମାନି ତିଙ୍ଗ୍‌ଲେଃଗେ ରେମୁଆଁଇଂ ଆଡ଼ାଡ଼ା ସାସନ୍ ତିଙ୍ଗ୍‌ଡିଙ୍ଗ୍‌କେ ।

୩ ସଡ଼ରେ ନେ ସାପାରେ ମେଇଂ ରକମ୍ ନେଲେଃଗେ ବାରି ଗାଗ୍‌ଡେ ବାରି ମନ୍‌ନେ ଇକ୍‌ଚାକେ ବେବଆର୍ ତିଙ୍ଗ୍‌ଚେ ବୁଆଡିକେ ତିଙ୍ଗ୍‌ନେଡିଂଗେ । ସଅଜ୍‌ରେ ବିନ୍‌ରେ ରକମ୍ ନେ ତିଗ୍ ଇସ୍‌ପର୍‌ନେ ରିସା ତିଙ୍ଗ୍‌ନେ ଅବସ୍ତା ବାନ୍‌ସା ଝେନେଲେଃଗେ ।

୪ ମାଡର୍ ଇସ୍‌ପର୍‌ନେ ଲିବିସଃ ଏଡ୍ରି ଜାବର୍ ବାରି ନେ ଆଡୁଲା ମେଃନେ ଆଲାଦ୍ ଏଡ୍ରି ମ୍ବା ଜେ ନେନେ ଅମାନି ନେଡିଙ୍ଗ୍‌ସା ନେ ଆମ୍ବିକ ବାବ୍‌ରେ ନେଲେଃଗେ ବେଲା ମେଁ କିସ୍‌ଟ ଏଡେ ଆନେକେ ଆମ୍ବିକେ । ଇସ୍‌ପର୍‌ନେ ଦୟା ବାନ୍ ଆଃ ପେ ଉଦାର୍ ବାପେୟାକେ ।

୫ ଆଡେନ୍‌ସା ଆନେକେ କିସ୍‌ଟ ଏଡେ ଜିବନ୍ ଆଡିଙ୍ଗ୍‌ବକେ ବାରି ଆସିର୍‌ବାଦ୍‌ରେ ପେ ଉଦାର୍ ବାପେଲେଃଗେ

୬ ବାରି ମେଁ ଏଡେ ଆନେକେ ଆଡଡିଆଚେ କିସ୍‌ଟ ଜିସୁ ଡାଗରା ଆନେକେ ମେଁ ଏଡେ ସର୍‌ଗେ ଆଃକବକେ ।

୭ ଜିସୁ କିସ୍‌ଟ ଡାଗରା ମେଁନେ ଆଡ଼ାଡ଼ା ଲିବିସଃ ତିଙ୍ଗ୍‌ଚେ ଇଡିଂଡେ ନିଜର୍ ଦୟାନେ ଜାବର୍ ଦନ୍ ଆକେଏ । ଇସ୍‌ପର୍ ଆକେନ୍ ତିଙ୍ଗ୍‌କେ ।

୮ ମେଁ ଡାଗ୍‌ଲା ଦୟାରେ ବିସ୍‌ବାସ୍ ତିଙ୍ଗ୍‌କ୍ଲେବାନ୍ ପେ ଉଦାର୍ ବାପେଲେଃଗେ; ଆଡେନ୍ ପେନି ନିଜେବାନ୍ ତିଙ୍ଗ୍‌ଆଲେକେ ଆଡେନ୍ ଇସ୍‌ପର୍ ଦାନ୍ ।

୯ ତେସା ଆକେନ୍ ବିସୟରେ ଜା ତିଗ୍ ଗର୍ବ ତିଙ୍ଗ୍‌ଆୟା ଶୁ ।

୧୦ ନେ ମୋଃ ଡିଙ୍ଗ୍‌ମାନେଲେଃକେ ମୁଇଁ ଇସ୍‌ପର୍ ଆଃ ଆତେନ୍ ଡିଙ୍ଗ୍‌ବକେ; ଆଣ୍ଡିନେ ସାପା ସଡ୍ କାମ୍ ନେ ନେଡିଙ୍ଗ୍ ଡାଗ୍‌ତେ ଇସ୍‌ପର୍ ସିସେ ବାନ୍ ଜଜ୍‌ନା ଡିଙ୍ଗ୍‌ବକେ ନେ ଜିସୁ କିସ୍‌ଟ ଏତେ ମିସୁ ନେଲେଃକେ ।

କିସ୍‌ଟ ଡାଗ୍‌ରା ନେଃ ସାପାରେ ମୁଇଁ

୧୧ ନିଜେ ସିସେନେ ଅବସ୍ତା ମନେ ଲ୍ଲାଗ୍‌ପା; ପେ ଅଣଜିଉଦି ପେଲେଃକେ ନିଜେକେ “ପବିତ୍ର” ଡିଙ୍ଗ୍‌ଲ୍ଲେଃକେ ଡାଗ୍‌ତେ ବାସଙ୍ଗ୍ ମ୍ୟାଃକ୍ଲେ ଜିଉଦିଇଁ ଆପେକେ “ଅପବିତ୍ର” ଡାଗ୍‌ତେ ବାସଙ୍ଗ୍‌ତିଆରଗେ । ଆକେନ୍ ମୁଇଁ ମୁଇଁ ଗାଗ୍‌ଡେନେ ଅବସ୍ତାକେ ଆଦ୍ରିଗ୍ ଡିଙ୍ଗ୍‌କେ ।

୧୨ ସିସେ ପେ କ୍ରିସ୍ଟୁନେବାନ୍ ସୁଲ ପେଲେଃକେ ପେ ବିଦେସି ପେଲେଃକେ ବାରି ଇସ୍‌ପର୍ ସ୍ତ୍ରୀବକ୍ଲେ ରେମୁଆଁଇଁ ଏତେ ମିସୁ ପେଲେଃକେ । ଇସ୍‌ପର୍ ମୋଃନେ ରେମୁଆଁଇଁନେ ଆଡାଡା ଡିଙ୍ଗ୍‌ବକ୍ଲେ ପାର୍‌ମାନ୍ ଆଡାଡା ଆରେବକ୍ଲେ ନିୟମ୍ ଅରିଆ ପେନି ମୋଃଡିଗ୍ ବାଗ୍ ଆଲେଗେ । ଆସା ଶୁରକମ୍ ବାରି ଇସ୍‌ପର୍ ଶୁ ଡାଗ୍‌ତେ ପେ ମଞ୍ଚ୍‌ପୁରନ୍ନିଆ ବାସା ପେଲେଃକେ ।

୧୩ ଡାଗ୍‌ଲା ପେଇଁ ସିସେ ସୁଲ ପେଲେଃକେ; ମାତର୍ ଏବେ ଜିସୁ ଏତେ ମୁଇଁ ଡିଙ୍ଗ୍‌ତେ କିସ୍‌ଟ ଗୁଏକ୍ଲେ ବାନ୍ ଡାଗ୍‌ରା ଡିଙ୍ଗ୍‌ପେଲେଃକେ ।

୧୪ ମୋଃଡାଗ୍‌ଲା ଜିଉଦି ବାରି ଅଣଜିଉଦିଇଁକେ ମୁଇଁ ଆଡିଙ୍ଗ୍‌ତେ କିସ୍‌ଟ ନିଜେ ନେ ଡାଗ୍‌ରା ସାନ୍ତି ଆଡିଙ୍ଗ୍‌ବକେ । ଆମେଇଁକେ ଅଲ୍‌ଗା ଆଡିଙ୍ଗ୍‌ତେ ନିଜର୍ ନିଜର୍ ବିଡ୍‌ରେ ସଡ୍ ରକମ୍ ବକ୍ଲେ ତୁରାଃକେ ମେଁ ମୋଃନେ ନିଜର୍ ଗାଗ୍‌ଡେ ଏତେ ପାକ୍‌ଟିବକେ ।

୧୫ ☆ମେଁ ଜିଉଦିଇଁନେ ସାପା ନିୟମ୍ କାନୁନ୍ ଆଣ୍ଡେଙ୍ଗ୍ ଆନ୍ତାର୍‌ତେ ଜିଉଦି ବାରି ଅଣଜିଉଦି ରେମୁଆଁଇଁନେ ବିଡ୍‌ରେ ମେଇଁନେ ସାଇଜ ଡିଙ୍ଗ୍‌ଶ୍ଟ୍ରେ ମୁଇଁ ମି ରେମୁଆଁ ଜାତି ତିଆର୍ ଡିଙ୍ଗ୍‌ବକେ । ଆକ୍‌ଅରିଆ ଦର୍‌ତନିନ୍ନିଆ ସାନ୍ତି ଡିଙ୍ଗ୍‌ଏ ।

୧୬ କୁରୁସ୍ ଅରିଆ ମେଁ ଗୁଏକ୍ଲେ ବାନ୍ କିସ୍‌ଟ ଆତେନ୍ ଜିଉଦି ବାରି ଅଣଜିଉଦିଇଁନେ ବିଡ୍‌ରେ ଲେଃକେ ସଡ୍‌ରୁକେ ନୁଆଁ ବକେ;

କୁରୁସ୍ ଏତେ ଆତେନ୍ ମ୍ୟାୟା ଜିଉଦି ବାରି ଅଣଜିଉଦିଇଂ ମୁଇଂନୁଗ ରାଝସିଙ୍ଗ୍ରେ ମୁଇଂ ଗାଗ୍ରେ ରକମ୍ ଆଡିଙ୍ଗ୍ବକେ ବାରି ଇସ୍ପର୍ ତାଗ୍ରା ଆମେଇଂକେ ତୁଙ୍ଗ୍ପାଙ୍ଗ୍ ବକେ ।

୧୭ ଆତେନ୍‌ସା କିସ୍ ପାଙ୍ଗ୍ଲେଝଗେ ବାରି ଇସ୍ପର୍ ବାନ୍ ସୁଲ୍ ଝେଲେକ୍ଲେଣ୍ଡେ ଅଣଜିଉଦି ବାରି ମେଁନେ ତାଗ୍ରା ଲେଝକ୍ଲେ ଜିଉଦିଇଂନେ ବିଡ୍ରେ ସାନ୍ତ୍ରିରେ ମାପ୍ପୁରୁ ସାମୁଆଁ ବାଲିର୍ ବଗେ ।

୧୮ କିସ୍‌ନେ ବାନ୍ ଆଃ ଜିଉଦି ବାରି ଅଣଜିଉଦି ସାପାରେ ମୁଇଂ ଆମ୍ପାରେ ଆବା ତାଗ୍ରା ପାଙ୍ଗ୍‌ନେୟାକେ ।

୧୯ ତେସା ଅ ଅଣଜିଉଦି ରେମୁଆଁଇଂ ପେ ବାରି ବିଦେସି ବାରି ବିନ୍‌ରେ ଶୁ ଧୁବେ ଇସ୍ପର୍‌ନେ ରେମୁଆଁଇଂ ଏତେ ପେ ତିଗ୍ ମେଁନେ ରାଇଜନେ ରେମୁଆଁ ବାରି ମେଁ ତୁଆଣ୍ଡେ ତିଙ୍ଗ୍‌ପେଲେଝ ।

୨୦ ପେ ତିଗ୍ ପ୍ରେରିଡ୍ ସିସ୍ ବାରି ବାବବାଦିଇଂନେ ବାନ୍ ଆରେବକ୍ଲେ ମୁଲ୍ ପାଣ୍ଡୁସୁନ୍ ଆଡାଡା ଆରେବକ୍ଲେ ତୁଆ ରକମ୍ । ଆତେନ୍ ତୁଆନେ କନ୍ ବି ନିଜେ କିସ୍ ଜିସୁ ।

୨୧ ମେଁ ମୁଇଂ ଆକେନ୍ ତୁଆକେ ଆମିସୁରେ ବ୍ୟ ବାରି ମାପ୍ପୁରୁ ଆଡଲ୍ ମୁଇଂ ପୁଜାପାତି ତିଙ୍ଗ୍‌ନେ ପବିତ୍ର ମନ୍ଦିର୍ ରକମ୍ ଆମ୍ପାଏ ।

୨୨ ମେଝନେ ସାଇଜରେ ପେ ତିଗ୍ ବିନ୍ ସାପାରେ ଏତେ ଆମ୍ପାରେ ଇସ୍ପର୍ ବାସାନ୍‌ସା ମୁଇଂ ବାସାନ୍ ତୁଆ ରକମ୍ ତିଆର୍ ତିଙ୍ଗ୍‌ପେଲେଝକେ ।

୩

ଅଣଜିଉଦିଇଂନେ ଆଡଲ୍ ପାଉଲ୍‌ନେ କାମ୍

୧ ଆକେନ୍ କାରନ୍ ନ‌ସା ପେ ସୁଗୁଆ ଅଣଜିଉଦି ରେମୁଆଁଇଂ ନ‌ସା କିସ୍ ଜିସୁ ଆଡଲ୍ ବନ୍ଦି ତିଙ୍ଗ୍‌ଲେଝକ୍ଲେ ନେଙ୍ଗ୍ ପାଉଲ୍ ଇସ୍ପର୍ ତାଗ୍ରା ପାର୍ତନା ତିଙ୍ଗ୍‌ଶ୍ରିଙ୍ଗ୍‌କେ ।

୨ ପେନି ନିମାଣ୍ଡା ନ‌ସା ଇସ୍ପର୍ ମେଝନେ ଦୟାରେ ଆନେଙ୍ଗ୍ ଜେ ଆକେନ୍ କାମ୍ ତିଙ୍ଗ୍‌ନେସା ବିଝବକେ, ଆକେନ୍ ପେ ଅଁ ପେଲେଝକେ ।

୩ ଇସ୍ପର୍ ମେଝନେ ବୁଡିକ୍ଲେ ଉପାୟ୍ ଆନାରେ ଆନେଙ୍ଗ୍ ଆଝମ୍ୟାଝବକେ । ଆକେନ୍ ବିସୟ୍‌ରେ ନେଙ୍ଗ୍ ନିମାଣ୍ଡା ବାବ୍‌ରେ ଗୁଆର୍‌ଶ୍ରିଙ୍ଗ୍ ।

୪ ☆ଆତେନ୍ ପଡେଲା କିସଟନେ ସଡ଼ ସାମୁଆଁ ବିସୟରେ ନେଙ୍ଗ୍ ମେଝନେ ବୁଜେଲ୍ଲେଝକେ, ଆତେନ୍ ପେ ମ୍ୟାଝପେୟାଏ ।

୫ ସିସେ ରେମୁଆଁ ଜାତିକେ ଆକେନ୍ ସଡ଼ ସାମୁଆଁ ବିସୟରେ ବାସଙ୍ଗ୍ ଆବଗେ । ମାତର ଇସପର୍ ଏବେ ମେଝନେ ପବିତ୍ର ପ୍ରେରିଡ଼ ସିସ୍ ବାରି ବାବବାଦିଇଂକେ ଆମ୍ବାବାନ୍ ଆକେନ୍ ଆନ୍ବାବକେ ।

୬ ଆତେନ୍ ଟିକିନିକି ବିସୟ ଡିଙ୍ଗ୍ଡିଙ୍ଗ୍କେ, ମାପରୁ ସାମୁଆଁ ଆଡ଼ଲା ଜିଉଦିଇଂ ଏତେ ଅଣଜିଉଦିଇଂ ତିଗ୍ ଇସପରନେ ଆସିର୍ବାଦନେ ବାନେସା ମିସୁଲେ ଆରକେ । ମେଇଂ ଆତେନ୍ ମୁଇଂ ଗାଗଡ଼େନେ ଚିଲି ଞ୍ଚିଆ ବାରି ଜିସୁ କିସଟନେ ସାଇଜରେ ଇସପର୍ ବିବକ୍ଲେ ଆଦେସଅରିଆ ମିସୁଲେଆରକେ ।

୭ ଇସପର୍ ମେଝନେ ବପୁ ବିଚେ ଆନେଙ୍ଗ୍ ଆଣ୍ଡିନେ ମ୍ବା ଦାନ୍ ବିବକେ ଆତେନ୍ସା ନେଙ୍ଗ୍ ମାପରୁ ସାମୁଆଁ ବାସଙ୍ଗ୍ଶ୍ରେ ଡିଙ୍ଗ୍ଲ୍ଲେଝକେ ।

୮ ନେଙ୍ଗ୍ ଇସପରନେ ରେମୁଆଁଇଂନେ ବିଡ଼ରେ ସାପାରେବାନ୍ ତାଆଁ ତେଲାଡିଗ୍ ଅଣଜିଉଦିଇଂନେ ତାଗରା କିସଟନେ ମାଡାନେ ଦନ୍ସମ୍ପତିନେ ହ୍ଲାଲିର୍ ସାଚେ ଝେନ୍ସା ଆନେଙ୍ଗ୍ ଇସପର୍ ସୁଜଗ୍ ବିବକେ ।

୯ ଇସପରନେ ଆତେନ୍ ବୁଡ଼ିକ୍ଲେ ଉପାୟ ଡିଡିରକମ୍ କାମ୍ ଡିଙ୍ଗ୍ୟାଏ ଆତେନ୍ ସାପାରେକେ ଆଝମ୍ୟାନେ ଅଦିକାର୍ ନେଙ୍ଗ୍ ବାଲ୍ଲେଝକେ । ସାପା ବିସୟରେ ତିଆର୍ ଡିଙ୍ଗ୍ବକ୍ଲେ ଇସପର୍ ସିସେ ସାପା ଜୁଗ୍ନ୍ଧିଆ ମେଝନେ ଟିକିନିକି ବିସୟକେ ବୁଡ଼ି ବଗେ

୧୦ ଜେଡିକି ଏନ୍କାଲା କିସ୍ଟିୟ ମଣ୍ଡୁଲିନେ କାମ୍ବାନ୍ କିତଂନେ ସାସନ୍ ଡିଂଶ୍ରେ ବାରି ମ୍ବାଝ ବପୁରେ ଇସପରନେ ଜବର୍ ନିୟମ୍ କାନ୍ଦୁନ୍ ଗିଆନ୍ ବିସୟରେ ତାଣ୍ଡେ ଦ୍ରିଗ୍ ୟାଆର୍ଏ ।

୧୧ ଇସପର୍ ମେଝନେ ମାଡାନେ ଜିବନ୍ ଉଦେସ୍ ଇସାବ୍ରେ ନେନେ ମାପରୁ ଜିସୁ କିସଟବାନ୍ ଆକେନ୍ ପୁରନ୍ ଡିଙ୍ଗ୍ବକେ ।

୧୨ କିସଟ ଏତେ ମିସୁ ନେଲେଝଗେସା ବାରି ମେଁଡାଗ୍ରା ବିସ୍ବାସ୍ ଡିଙ୍ଗ୍ନେଲେଝଗେସା ଆସାରେ ଇସପରନେ ତାଗରା ଝେନ୍ସା ନେନେ ଏବେ ସାହାସ୍ ଲେଝକେ ।

☆ ୩:୪ କଲସିୟ ୧:୨୨,୨୨.

୧୩ ଆତେନ୍‌ସା ନେଙ୍ଗ୍ ସାଲ୍‌ଣ୍ଡିଂକେ, ପେ ଆଡ଼ଲା ନେଙ୍ଗ୍‌ନେ ଦୁକ୍ କସ୍‌ଟ ବାନେ କେଚେ ନିରାସ୍ ଆଡ଼ିଙ୍ଗ୍‌ପା ମେଃଡାଗ୍‌ଲା ଆକେନ୍ ସାପା ପେନି ନିମାଣ୍ଡା ନ୍‌ସା ଡିଙ୍ଗ୍‌ମ୍‌କେ ।

କିସ୍‌ଟନେ ଆଲାଦ୍

୧୪ ମେଁ ତାଗ୍‌ରା ନେଙ୍ଗ୍ ଡି ଜଡ଼େଚେ ପାର୍‌ତନା ଡିଙ୍ଗ୍‌ଣ୍ଡିଂକେ ।

୧୫ ଆତେନ୍‌ସା ମୁଡ଼ି ଆବାବାନ୍ କିତଂ ବାରି ମଞ୍ଚପୁରନେ ତାଣ୍ଡେ ଛା ଞ୍ଜାନେ ମ୍ନି ସା ଆର୍‌ଏ ।

୧୬ ନେଙ୍ଗ୍ ପାର୍‌ତନା ଡିଙ୍ଗ୍‌ଣ୍ଡିଂକେ ଜେଡ଼ିକି ମେଁ ମେଃନେ ଆମ୍‌ନେ ସାସନ୍ ମେଃନେ ଗୌରବ୍‌ମୟ ଗୁଦାମ୍‌ବାନ୍ ପେନି ବିଡ଼ରେନେ ଆମ୍‌ନାକେ ବପୁ ଆଡ଼ିଙ୍ଗ୍‌ନେସା ବପୁ ବିଏ ।

୧୭ ନେଙ୍ଗ୍ ପାର୍‌ତନା ଡିଙ୍ଗ୍‌ଣ୍ଡିଂକେ ଜେଡ଼ିକି ପେନି ବିସ୍‌ବାସ୍‌ନେ ବପୁରେ କିସ୍‌ଟ ପେନି ଗର୍‌ବେ ବିଡ଼ରେ ବାସାଏ । ନେଙ୍ଗ୍ ପାର୍‌ତନା ଡିଙ୍ଗ୍‌ଣ୍ଡିଂକେ ଜେଡ଼ିକି ପେନି ମୁଲ୍ ପାଣ୍ଡୁସୁନ୍ ଆଲାଦ୍‌ରେ ତିଆର୍ ଡିଙ୍ଗ୍‌ରେ ତାର୍ ଡିଙ୍ଗ୍‌ଏ ।

୧୮ ତେଲା କିସ୍‌ଟନେ ଆଲାଦ୍ ଜେ ଉଡ଼ି ହ୍ଲେ ବାରି ଅସାର୍ ଲେଃଏ ଉଡ଼ି ତିଆର୍ ବାରି ଉଡ଼ି ସ୍ତ୍ରୀ ପେ ଇସ୍‌ପରନେ ବିନ୍ ବିନ୍ ରେମୁଆଁଇଂ ଏଚେ ଆକେନ୍ ମିସୁନ୍‌ସା ବପୁ ବାପେୟାଏ ।

୧୯ ପେ କିସ୍‌ଟନେ ଆଲାଦ୍ ସାମୁଆଁ ମିଆଁ ପେୟାଏ ତେଲାଡିଗ୍ ଆକେନ୍ ଅଃନା ପୁରାପୁରି ବାବ୍‌ରେ ମିଆଁ ଆଡ଼ିଙ୍ଗ୍ । ଦେକ୍ ରକମ୍ ପେ ଇସ୍‌ପରନେ ନିଜର୍ ଚିନ୍ତା ପୁରାପୁରି ମିଆଁ ପେୟାଏ ।

୨୦ ଇସ୍‌ପର୍ ନେ ବିଡ଼ରେ ମେଃନେ ବିବକ୍ଲେ ବପୁ ଏଚେ ନେ ସାଲିଆନେବକ୍ଲେ ବାନ୍ ଅଦିକ୍ ଦେକ୍‌ରକମ୍ ନେନେ ବାବେକ୍ଲେ ବିସ୍‌ୟ୍ ବିନ୍‌ସା ରାଜି ଲେଃକେ

୨୧ ମଣ୍ଡୁଲି ଏଚେ ବାରି କିସ୍‌ଟ ଜିସୁ ଏଚେ ଜୁଗ୍ ଜୁଗ୍ ମାତାନେ ଜିବନ୍ ଜାକ ଆତେନ୍ ଇସ୍‌ପରନେ ଗୌରବ୍ ଡିଙ୍ଗ୍‌ଲେ । ଆମେନ୍ ।



କିସ୍‌ଟନେ ଗାଗ୍‌ଡେନ୍‌ନିଆ ମୁଇଂ

୧ ମାପରୁନେ ସେବା ଡିଙ୍ଗଡ଼ିଙ୍ଗଗେସା ବନ୍ଦି ହୁଆ ଗାଲ୍ଲେକ୍ଲେ ନେଙ୍ଗ ପାଉଲ୍ ଆପେକେ ଗୁଆରି ଡିଙ୍ଗଣ୍ଟିଂକେ ଡିରକମ୍ବି ବୁଆଡିକେଃ ନ୍‌ସା ଇସ୍‌ପର୍ ଆପେକେ ୱା ବକେ ମେଁ ରକମ୍ ଆଃ ବେବଆର୍ ଡିଙ୍ଗପା ।

୨ *କାଲାଆଃ ଦରମ୍ ସାଦାସିଦା ବାରି ସାହାସ୍ ଡିଙ୍ଗପା । ପେପେ ବିଡ଼ରେ କୁଡ଼େମାଡ଼େଚେ ଆଲାଦ୍ ଆସୁଏପା ।

୩ ପବିତ୍ର ଆମ୍ବାନେ ସାଇଜରେ ସାନ୍ତ୍ରିରେ ବାସାନେ ବାନ୍ ପେ ବିଡ଼ରେବାନ୍ ଆଣ୍ଟିନେ ଏକତା ଲେଃକେ ଆମେକେ ଜିବନ୍ ବିଚେ ନିମାଣ୍ଡା ବପା ।

୪ ନେନେ ଗାଗଡ଼େ ମୁଇଂ, ଆମ୍ବା ଡିଗ୍ ମୁଇଂ । ବାରି ମୁଇଂ ଆସା ବିଚେ ଇସ୍‌ପର୍ ଆନେକେ ୱାବକେ ।

୫ ମୁଇଂ ମାପରୁ ମୁଇଂ ବିସ୍‌ବାସ୍ ମୁଇଂ ଦିକ୍ୟା ।

୬ ସାପା ରେମୁଆଁ ଜାତିନେ ଇସ୍‌ପର୍ ବାରି ଆବା ମୁଇଂ ଆଃ; ମେଁ ସାପାରେନେ ମାପରୁ ସାପାରେ ଡାଗ୍ରା ବାରି ସାପାରେନେ ଗର୍ବେ ବିଡ଼ରେ ଲେଃକେ ।

୭ କିସ୍‌ଟ ବିବକ୍ଲେ ଇସାବ୍ ରକମ୍ ନେ ସାପାରେ ମୁଇଂ ମୁଇଂ ନିମାଣ୍ଡା ଦାନ୍ ବାନେଲେଃକେ ।

୮ ଦରମ୍ ସାସ୍‌ରନ୍ନିଆ ଆକେନ୍ ବିସୟରେ ଗୁଆର୍ ବକେ,

“ଉଃଡ଼ିବେଲା ମେଁ ଆରାତ୍ରା ଡେଃକେ,

ମେଁ ଏଡେ ଗୁଲେ ବନ୍ଦିଇଂକେ;

ମେଁ ହୁଂଝେକେ ବାରି ରେମୁଆଁ ଜାତିକେ ଗୁଲେ ବର୍ ବିକେ ।”

୯ “ମେଁ ଆରାତ୍ରା ଡେଃକେ” ଆକ୍ଲେନେ ଅର୍ଡ଼ ମେଃନେ ? ଆକ୍ଲେନେ ଅର୍ଡ଼ ସିସେ ମେଁ ମଞ୍ଚପୁର୍ନେ ଡାଆଁ ଡାଆଁ ଜାଗା ଅରିଆ ଜାର୍‌ଲେଃଗେ ।

୧୦ ଡେସା ଜା ଜାର୍‌ଲେଃଗେ ସାପା ଦର୍ଡ଼ନିକେ ମେଃନେ ଲେଃକାଲା ଆଃ ଆନ୍‌ନ୍‌ସା ମେଁ ବାରି କିଡ଼ଂ ବାନ୍ ବାରି ଜବର୍ ଆଡ଼ାତ୍ରା ଡେଃକେ ।

୧୧ ମେଁ ଆଃ ରେମୁଆଁ ଜାତିକେ ଜବର୍ ବର୍ ବିଚେ ୱେଲେଃକେ । ଉଡ଼ିରୁଆକେ ପ୍ରେରିଡ଼ ସିସ୍ ବାରି ଉଡ଼ିରୁଆକେ ବାବବାଦି ବାରି ଉଡ଼ିରୁଆକେ ମାପରୁ ସାମୁଆଁ ବାସଙ୍ଗ୍‌ଣ୍ଡେ ପାଲକ୍ ବାରି ଗୁରୁ ରକମ୍ ବାଚେ ବକେ ।

୧୨ କିସ୍ତନେ ଆତେନ୍ ଗାଗଡ଼େ ରାସିଙ୍ଗ୍‌ନେ ଉଦେସ୍‌ରେ କିସ୍ତନେ ସେବା କାମ୍ ନ୍‌ସା ଇସ୍‌ପରନେ ରେମୁଆଁଇଁକେ ଆର୍ମେନ୍‌ସା ମେଁ ଆକେନ୍ ଡିଙ୍ଗ୍‌ବକେ ।

୧୩ ଆତେନ୍‌ସା ନେ ସାପାରେ ନେନେ ବିସ୍‌ବାସ୍‌ରେ ବାରି ଇସ୍‌ପରନେ ଉଙ୍ଗ୍‌ଡେ ଇସାବ୍‌ରେ ଗିଆନ୍‌ରେ ମୁଇଁନ୍‌ଗ୍ ରିସିଙ୍ଗ୍ ଡିଙ୍ଗ୍‌ଏ, କିସ୍ତନେ ଦୟା ବାତେ ନେ ଜନମ୍‌ବାନ୍ ଦର୍ମ ବୁଦି ନେଡିଙ୍ଗ୍‌ଏ ।

୧୪ ଖେଡ଼ିଆନେ ବଗ୍‌ନେ ବାରି ଆଲ୍‌କା ବଗ୍‌ନେ ମାଡ଼ରେ ଆଙ୍କ୍‌ଆନ୍ତ୍ ଡିଙ୍ଗ୍‌ଡିଙ୍ଗ୍‌କ୍ଲେ ଚିରୁଲା ଅ ରକମ୍ ନେ ବାରି ବୁଦ୍ ନେଡିଙ୍ଗ୍ ଶୁ । ବିନ୍‌ରେକେ ଦଦିଆ ଗାଲିପାକା ତୁଁଖେନେ ଚାଲାକି ରେମୁଆଁଇଁନେ ମ୍ଲେଡ଼ିଆଃ ରକମ୍‌ନେ ବୁଦିରେ ନେ ଆଙ୍କ୍ ଆନ୍ତ୍ ନେଡିଙ୍ଗ୍‌ପା ।

୧୫ ମାଡ଼ର ଆଲାଦ୍‌ରେ ସଡ଼ ବାସଙ୍ଗ୍‌ତେ ତାଣ୍ଡେ ବିସୟ୍‌ରେ ବାଆଃ ରକମ୍ କିସ୍ତ ରକମ୍ ନେଡିଙ୍ଗ୍‌ପା ।

୧୬ ✨ମେଃନେ ଅଲେଙ୍ଗ୍‌ଡାଲିଆନ୍ନିଆ ଗାଗଡ଼େନେ ଗୁଲେ ଚିଲି ଞିଆ ଆଣ୍ଡେଙ୍ଗ୍ ମୁଇଁନ୍‌ଗ୍ ମିସୁଃମ୍ୟାଃକେ ବାରି ଆଡ଼ଅରିଆ ଲେଃନେ ସାସ୍ତରୁଇଁନେ ସାଇଜରେ ତାଣ୍ଡେ ଗାଗଡ଼େ ମିସୁଃଡିଙ୍ଗ୍‌କେ । ତେସା ଗାଗଡ଼େନେ ସାପା ବିନ୍‌ବିନ୍ ଞି ତାଣ୍ଡେ ନିଜେନେ କାମ୍ ଜିଆ ଜିଆ ବାବ୍‌ରେ କାମ୍ ଡିଙ୍ଗ୍‌ନେବାନ୍ ସାପା ଗାଗଡ଼େକେ ଆମ୍‌ଗେ ଆଲାଦ୍‌ରେ ମୁଇଁନ୍‌ଗ୍ ଆଡିଙ୍ଗ୍‌ଏ ।

କିସ୍ତନେ ବାନ୍ ମି ଜିବନ୍

୧୭ ତେସା ମାପୁରୁନେ ମିରେ ନେଙ୍ଗ୍ ଆପେକେ ତରକ୍ ଆଡିଙ୍ଗ୍‌ବିଣ୍ଡିଙ୍ଗ୍‌କେ । ବିଜାଡି ରେମୁଆଁଇଁ ରକମ୍ ବାରି ବୁଆ ଡିକେଃ ଆଡିଙ୍ଗ୍‌ପା । ମେଇଁନେ ଚିନ୍ତା ଗୁଲେ ।

୧୮ ବାରି ମେଇଁନେ ମନ୍ ତାଁକିଗ୍‌ନ୍ନିଆ ଲେଃକେ । ଇସ୍‌ପର୍ ବିବକ୍ଲେ ଜିବନ୍‌ରେ ମେଇଁନେ ମେଃଡିଗ୍ ବାଗ୍ ଶୁ । ମେଃଡାଗ୍‌ଲା ମେଇଁ ପୁରାପୁରି ବାବ୍‌ରେ ମୁରକ ବାରି ଅମାନି ।

୧୯ ମେଇଁ ଆଲାଜୁ ଦଦ୍ୟା କାମ୍ ତିଁଣ୍ଡେ ବାରି ପୁରାପୁରି ବାବ୍‌ରେ ସାପା ରକମ୍‌ନେ ଆସବାକ୍ଲେ କାମ୍ ତିଁଲେଃମ୍ୟାଆରକେ ।

୨୦ ଆକେନ୍ ସାପା ପେ କିସ୍ତନେ ବିସୟ୍‌ରେ ବୁଦି ବିଃକ୍ଲେ ବିସୟ୍ ଶୁ ।

ସାରାସାରି ସାର୍ଲ

୨୧ ଯେ ସତ୍ତ୍ୱ ବାବରେ ମୋଁ ବିସୟ୍ ଅପେଲେଃକେ ବାରି ମୋଃନେ ପ୍ଲା ଖେନେ ବାନ୍ ଜିସୁନେ ବିସୟ୍ରେ ସତ୍ତ୍ୱ ବୁଦି ବାପେଲେଃକେ ।

୨୨ ☆ତେସା ଆଣ୍ଡିନେ ବାଞ୍ଜିରକ୍ଲେ ଗୁନ୍ ତୁଂଖେରେ ଯେ ବୁଆ ଡିକେଃ ଡିଙ୍ଗାପେଡିଂଗେ ଆତେନ୍ ଆଡ୍ରାପା ମୋଃଡାଗ୍ଲା ମୋଃନେ ନାଲେନେ କାମ୍ ଏତେ ପେନି ଆମ୍ ନସୁ ଡିଙ୍ଗାଡିଙ୍ଗାଗେ ।

୨୩ ପେନି ଗର୍ବେ ବାରି ମନ୍ନେ ପୁରାପୁରି ମି ଜିବନ୍ ଆଡିଙ୍ଗାନ୍ନେ ଦରକାର୍ ।

୨୪ ☆ଇସ୍ପରନେ ରକମ୍ ମି ଆମ୍ ସାପା । ଆତେନ୍ ପେନି ପବିତ୍ର ବାରି ନ୍ୟାୟ୍ ଜିବନ୍ ଜାପନ୍ରେ ନୁଲେ ।

୨୫ ବାରି ମିଟ୍ ଆବାସଙ୍ଗାପା । କିସ୍ଟକେ ବିସ୍ବାସ୍ ଡିଙ୍ଗାଣ୍ଡେ ନିଜର୍ ନିଜର୍ ବିତ୍ରେ ସତ୍ତ୍ୱ ବାସଙ୍ଗାନ୍ନେ ଦରକାର୍ । ମୋଃଡାଗ୍ଲା ନେ କିସ୍ଟନେ ଗାଗଡେନେ ଚିଲି ଞ୍ଚିଆ ।

୨୬ ଯେ ଗିସେଃରେ ପାପ୍ ଆଡିଙ୍ଗାପା ସ୍ମି ଲଗ୍ନେ ସେନୁଗ୍ ପେନେ ଗିସେଃ ସାନ୍ତି ଡିଙ୍ଗାଲେ ।

୨୭ ସୟ୍ତାନ୍ନକେ ଜାଗା ଆବିଗେପା ।

୨୮ ତଙ୍ଗାରେ ବାରି ଆଡଙ୍ଗାଲେ । ନିମାଣ୍ଡା ବାବ୍ରେ ନିଜେନେ ବୁଆଡିକେଃ ଆଃକମେ ନସା ବାରି ଅରକିଡ୍ ରେମୁଆଁଇଂକେ ସାଇଜ ଡିଙ୍ଗାନ୍ନେସା ମୋଁ କାମ୍ ଡିଙ୍ଗାଲେ ।

୨୯ ଯେ ତୁମୁଆଃବାନ୍ ଦଦ୍ୟା ସାମୁଆଁ ଆଡାରଲେ । ପେନେ ସାମୁଆଁ କାମ୍ ବିକେ ରକମ୍ ଆମ୍ମାନ୍ସା ବାରି କାମ୍ନିଆ ଲାଗେଏ ରକମ୍ ଡିଙ୍ଗାଲେ । ତେଲା ଜାଣ୍ଡେଇଂ ପେନେ ସାମୁଆଁ ଦ୍ରିଗ୍ଏ ମେଇଂନେ ଆଡାତ୍ରା ଆତେନ୍ ମଙ୍ଗାଲ୍ ଡିଙ୍ଗାଏ ।

୩୦ ଇସ୍ପରନେ ପବିତ୍ର ଆମ୍ମାକେ ଦୁକ୍ ଆବିଗପା । ମୋଃଡାଗ୍ଲା ପବିତ୍ର ଆମ୍ମା ଯେ ଆଡାତ୍ରା ଇସ୍ପରନେ ନିଜେନେ ଅଦିକାର୍ନେ ସିଲ୍ ରକମ୍ ବାରି ଇସ୍ପର ମୁଇଂ ଦିନା ଆପେକେ ମୁକ୍ତି ବିଏ, ଆକେନ୍ ସତ୍ତ୍ୱ ।

୩୧ ସାପାରେନେ ଇଂସା, କୁର୍ ବାରି ରିସାନ୍ନେ ଆଡ୍ରାପା । ଡିଙ୍ଗାଆଃରିଆଃ କି ବିନ୍ରେକେ ନିନ୍ଦା ଆଡିଙ୍ଗାଗେପା ଜା ଆଡାତ୍ରା ଗୁରନା ମନ୍ ଆବଗପା ।

୩୨ ☆ମାତର ପେପେ ବିତରେ ଦୟା ବାରି ଲିବିସଃ ଡିଙ୍ଗାପା ବାରି କିସ୍ତ ଆଡ଼ଲା ଇସ୍ପର ଡିଡିରକମ୍ ଆପେକେ କେମା ଡିଙ୍ଗାପା ପେ ଡିଗ୍ ଦେଡ଼ରକମ୍ ପେପେ ବିତରେ କେମା ଡିଙ୍ଗାପା ।



ଡାରକିଗ୍ ଜିବନ୍

୧ ପେ ଇସ୍ପରନେ ନିଜର୍ ଡଙ୍ଗାଡେ ତେନ୍ସା ମେଁ ରକମ୍ ଡିଙ୍ଗାପେସା ଚେସ୍ଟା ଡିଙ୍ଗାପା ।

୨ କିସ୍ତ ଡିରକମ୍ ଆନେକେ ଆଲାଦ୍ ତିଂକେ ବାରି ଇସ୍ପରନେ ସାକ୍ତି ନ୍ସା ନିଜର୍ ଜିବନ୍କେ ନେ ଆଡ଼ଲା ବାସ୍ନାକ୍ସେ ପରସାଦ୍ ରକମ୍ ବାରି ବଲି ରକମ୍ ବିକେ ପେନି ଜିବନ୍ ଡିଗ୍ ଦେଡ଼ରକମ୍ ଆଲାଦ୍‌ବାନ୍ ଦେଡ଼ରକମ୍ ମନ୍ ଡିଙ୍ଗାଲେ ।

୩ ମାତର ଦାରି ସାପା ରକମ୍‌ନେ ଅସୁଚି ଶୁଲ୍ଲା କଟିଙ୍ଗାଡେଗ୍ ଡିଙ୍ଗାପେ ଆକେନ୍ ସାପା ପେ ବିତରେ ଜାଗା ଆବିଗ୍‌ପା; ଆଡେନ୍ ସାଦୁଇଂନେ ପାକା ଡିଙ୍ଗାପେ ନିମାଣ୍ଡା ଶୁଲ୍ ।

୪ ପେ ବାନ୍ ଆବୁଲେଃ ଖାଲିର୍ ଦଦିଆ ଡଃସ୍ତା ବାରି ଦଦ୍ୟା ସାମୁଆଁ ବାସ୍‌ଜେନେ ଡିଗ୍ ବଲ୍ ଶୁଲ୍ । ମାତର ପେ ଖାଲିର୍‌ବାନ୍ ଇସ୍ପରକେ ଦନ୍ୟବାଦ୍ ବିଃଲାଲାପା ।

୫ ଆକେନ୍ ସଡେଆ ଡାଗ୍‌ରେ ମ୍ୟାଃଲାଲାପା, ମୁଡ଼ି ରେମୁଆଁ କାଲାଆଃ ଦଦ୍ୟା କାମ୍ ବାରି ଜାବର୍ କଟିଙ୍ଗାଡେଗ୍ ବା ଜାବର୍ ଲବ୍ ଡିଙ୍ଗାପେ ମୁରଡିପୁଜା ରକମ୍ ମେଁ ଅଃନାଡିଗ୍ କିସ୍ତନେ ବାରି ଇସ୍ପରନେ ରାଇଜ୍ ଅରିଆ ଝେଆୟା ଶୁଲ୍ ।

୬ କାମ୍ ଆବିନେ ସାମୁଆଁ ବାସ୍‌ଜେନେ ଜା ଆପେକେ ଆଜଟେଲେ । ଆକେନ୍ ସାପା ଦଦ୍ୟା କାମ୍ ଏଡେ ଜାଣ୍ଡେଇଂ ଇସ୍ପରନେ ଆଦେସ୍‌କେ ଆମାନେ ମେଇଂନେ ଆଡ଼ାଡ଼ା ଇସ୍ପରନେ ରିସା ଜାବର୍ ଡିଙ୍ଗାପା ।

୭ ଦେକ୍‌ରକମ୍ ରେମୁଆଁଇଂ ଏଡେ ମେଃଡିଗ୍ ସମ୍‌କ ଆବଗ୍‌ପା ।

୮ ପେ ନିଜେ ମେଃସୁଆ ଡାଙ୍ଗକିଗ୍‌ନିଆ ପେଲେଃରେ । ମାତର ଏବେ ମାପୁରୁନେ ରେମୁଆଁ ଡିଙ୍ଗାପେଲେଃରେସା ପେ ଡାରକିଗ୍‌ନିଆ

ପେଲେଃକେ । ତେସା ପେଇଂ ତାକି ଗ୍ସନେ ଉଙ୍ଗ୍ଡେଇଂନେ ରକମ୍
ବୁଆଡ଼ିକେଃପା ।

୯୮ ମେଃଡାଗ୍ଲା ତାରକିଗ୍ ଆଃ ସାପା ରକମ୍ନେ ସଡ଼ ଗୁନ୍ ଦାର୍ମିକ୍
ସାମୁଆଁ ବାରି ସଡ଼ରକମ୍ନେ ରୁ ରୁଏ ।

୯୯ ମାପ୍ପରୁନେ ଡାଗ୍ଲା ନିମାଣ୍ଡାଃ ବେବଆର୍ ତିଙ୍ଗ୍ନେସା ବୁଦି
ସିକେପା ।

୧୦୦ ରେମୁଆଁଇଂ ତାଙ୍ଗିଗ୍ନିଆ ଆଣ୍ଡିନେସାପା ଦଦ୍ୟା କାମ୍
ତିଙ୍ଗ୍ଆର୍ଡିଙ୍ଗ୍କେ । ଆତେନ୍ କାମ୍ଆଣ୍ଡେଙ୍ଗ୍ ବାନ୍ ସୁଲ ଲାଃଲାପା ।
ବାରି ମେଇଂନେ କାମ୍ଆଣ୍ଡେଙ୍ଗ୍ ନାକେ ରକମ୍ ଆକେବିପା ।

୧୦୧ ସଡ଼ ବାବ୍ରେ ମେଇଂ ବୁଡ଼ିଚେ ଜା ସାପା ତିଙ୍ଗ୍ଡିଙ୍ଗ୍କେ ଆତେନ୍
ସାପା ବିସୟ୍ ବାସଙ୍ଗ୍ନେ ଗିଆସ ତଏ ।

୧୦୨ ଉଡ଼ିବେଲା ସାପା ବିସୟ୍ ତାରକିଗ୍ନିଆ ତୁଂପାଙ୍ଗ୍ଆର୍ଏ
ଆତେନ୍ବେଲା ଆତେନ୍ ସାପା ଆଣ୍ଡେଙ୍ଗ୍ନେ ସଡ଼ ରକମ୍ ନାଏ ।

୧୦୩ ମେଁ ଡାଗ୍ଲା ତାରକିଗ୍ ସାପା ବିସୟ୍ନେ ଆନାଏ । ଆତେନ୍ସା
ଦେକ୍‌ରକମ୍ ଗୁଆର୍ବକେ:

“ଅ ଲେମୁଆଁଃରେ, ତିଆର୍ ତିଙ୍ଗ୍ ଲାଲାପା !

ବାରି ଗୁଏକ୍ଲେ ରେମୁଆଁଇଂନେ ବାନ୍ ତଡ଼ିଆପା !

କିସ୍‌ଟନେ ତାରକିଗ୍ନିଆ ନାପା ।”

୧୦୪ ତେସା ପେ ତିରକମ୍ ବୁଆଡ଼ିକେଃ ପେଡିଙ୍ଗ୍ଏ ଆତେନ୍
ବିସୟ୍ରେ ତରକ୍ ତିଙ୍ଗ୍ପା । ବୁଦି ଶ୍ଟୁନ ସୁଗୁଆ ମାଡିଙ୍ଗ୍‌ଚେ ବୁଦିରେ
ରକମ୍ ବେବଆର୍ ତିଙ୍ଗ୍ପା ।

୧୦୫ ସାପା ସୁଜଗ୍ନେ ସଡ଼ ବେବଆର୍ ତିଙ୍ଗ୍ପା ମେଃଡାଗ୍ଲା ଦଦ୍ୟା
ଦିନ୍ ପିଙ୍ଗ୍‌ଟା ତିଙ୍ଗ୍କେ ।

୧୦୬ ଆଲାକୁ ରେମୁଆଁଇଂ ସୁଗୁଆ ଆଡିଙ୍ଗ୍‌ଗେପା ମାତର୍ ମାପ୍ପରୁନେ
ଇକ୍‌ଟା ମେଃନେ ଆତେନ୍ ଦ୍ରିଗ୍‌ସା ଚେସ୍‌ଟା ତିଙ୍ଗ୍ପା ।

୧୦୭ ସାଗ୍‌ରା ଉଗ୍‌ନେ ଡାଗ୍‌ରା ଚାଗ୍ ଲାଣ୍ଡା ଆଲେଗ୍‌ପା ମେଁ ଡାଗ୍‌ଲା
ଆତେନ୍ ସରାଃ ପେନେ ନସ୍ତୁ ଆଡିଙ୍ଗ୍‌ଏ, ମାତର୍ ପବିତ୍ର ଆମ୍‌ରେ
ଲାଲାପା ।

୧୦୮ ବଜନ୍ ଅସମାର୍, ପ୍ରସଂସା ଅସମାର୍ ବାରି ବକ୍ତି ଅସମାର୍
ଏତେ ନିଜର୍ ନିଜର୍ ବିତ୍‌ରେ ସାର୍‌ଦା ତିଙ୍ଗ୍ପା । ମନ୍ ବିତ୍‌ରେ

ଦୟାରେ ମାପରୁ ଉଦ୍ଦେଶ୍ରେ ଅସ୍ମାର୍ ବାରି ବଜନ୍ ଅସ୍ମାର୍ ସାର୍ପା ।

୨୦ କାଲାଆଃ ତାଣ୍ଡେ ବିସୟ ଆଡ଼ଲା ମାପରୁ ଜିସୁ କିସ୍ତନେ ମ୍ନିରେ ଆବା ଇସ୍ପରକେ ଦନ୍ୟବାଦ୍ ବିଃପା ।

କୁନୁଏଃ ଆଣ୍ଡା

୨୧ କିସ୍ତ ତାଗରା ପେନି ବକ୍ତି ଲେଃଗେସା ପେପେ ବିଡ଼ରେ ଅଦିକାରି ତିଙ୍ଗା ।

୨୨ ✧ ଅ ସେଲାମ୍ବୁଇଁ ! ପେ ତିଃତିକି ମାପରୁନେ ତ୍ରିଅରିଆ ପେଲେଃକେ ଦେଡ଼ରକମ୍ ନିଜେ ନିଜେନେ ଆଣ୍ଡାଇଁ ଏତେ ଲାଲାପା ।

୨୩ ମଣ୍ଡଲି ଆଡ଼ାତ୍ରା କିସ୍ତନେ ଅଦିକାର୍ ରକମ୍ ସେଲାମ୍ବୁଃ ଆଡ଼ାତ୍ରା ଆଣ୍ଡାଣ୍ଡେନେ ଅଦିକାର୍ ଲେଃକେ; ବାରି କିସ୍ତ ଆଃ ମେଇଁନେ ଗାଗ୍ଡେ ରକମ୍ ମଣ୍ଡଲିକେ ଆମ୍ବୁଣ୍ଡେ ।

୨୪ ମଣ୍ଡଲି ତିଡ଼ିରକମ୍ କିସ୍ତ ତାଗରା ଲେଃଆରକେ ସେଲାମ୍ବୁଃଈଁ ଟିକ୍ ଦେଡ଼ରକମ୍ ନିଜେ ନିଜେନେ ଆଣ୍ଡାଣ୍ଡେ ତାଗରା ପୁରାପୁରି ବାବରେ ସାମୁଆଁ ମାନେଃପା ।

୨୫ ✧ ଆଣ୍ଡାଇଁ କିସ୍ତ ତିରକମ୍ ମଣ୍ଡଲିକେ ଆଲାଦ୍ ତିଁରେ ମେଁ ଆଡ଼ଲା ନିଜେନେ ଜିବନ୍ ବିକେ ପେ ତିଗ୍ ଟିକ୍ ଦେଡୁଆ ଆଃ ନିଜର୍ ନିଜର୍ କୁନୁଏଃକେ ଆଲାଦ୍ ତିଁପା ।

୨୬ କିସ୍ତ ମଣ୍ଡଲିକେ ଶ୍ରିଆଅରିଆ ପରତଲ୍ ତିଁରେ ଇସ୍ପରନେ ଉଦ୍ଦେଶ୍ରେ ବିକେ

୨୭ ତିରକମ୍ ମଣ୍ଡଲି ପବିତ୍ର, ନିର୍ଦ୍ଦସ୍, ସିଲିମ୍ ଆସାଃକ୍ସେ ବାରି ସାପା ଗାଗ୍ଡେ ସବା ଆଡ଼ିଙ୍ଗ୍ରେ ନିଜେ ଗ୍ରାଅନ୍ ତିଙ୍ଗକେ ।

୨୮ ଆଣ୍ଡାଇଁ ନିଜେନେ ଗାଗ୍ଡେ ରକମ୍ ବାବେଚେ ନିଜେନେ ସେଲାମ୍ବୁଃକେ ଆଲାଦ୍ ତିଁନେ ଦର୍କାର୍ । ଜାଣ୍ଡେ ନିଜେନେ ସେଲାମ୍ବୁଃକେ ଆଲାଦ୍ ତିଁଏ ମେଁ ନିଜେକେ ଆଲାଦ୍ ତିଁଏ ।

୨୯ ଜାଣ୍ଡେ ତିଗ୍ ନିଜେନେ ଗାଗ୍ଡେକେ ଅଃନା ଗିନ୍ ଆଡ଼ିଙ୍ଗ୍ ଶ୍ରି, ମାତର୍ ମେଁ ଗାଗ୍ଡେ ଚଂଉଗ୍ ବାରି ଜତନ୍ ତିଙ୍ଗ୍ଏ, କିସ୍ତ ତିଗ୍ ମଣ୍ଡଲି ଆଡ଼ାତ୍ରା ଦେଡ଼ରକମ୍ ତିଙ୍ଗମ୍ପାକେ ।

୩୦ ମେଁ ତାଗ୍‌ଲା ନେ ମେଁ ଗାଗ୍‌ଡେନେ ଚିଲି ଶ୍ରିୟା ।

୩୧ ଦରମ୍ ସାସ୍ତରନ୍ନିଆ ବାସଙ୍‌ବକ୍‌ଲେ ଇସାବ୍‌ରେ: “ଆକେନ୍ କାରନ୍ ନସା ଜିରେଇଂ ଇୟାଙ୍‌ ଆବାକେ ଆନ୍ତାର୍‌ରେ ନିଜର୍ ସେଲ୍‌ମାମ୍‌ସୁଃ ଏଡେ କୁଡେ ଆର୍‌ଏ ବାରି ମେଇଙ୍‌ ମ୍‌ୟା ମୁଇଂ ଡିଙ୍‌ ଆର୍‌ଏ ।”

୩୨ ସାସ୍ତରନେ ଆକେନ୍ ବାଗ୍‌ଅରିଆ ମୁଇଂ ବୁଃଡି ଲେଃକ୍‌ଲେ ସାମୁଆଁ ସଡ୍ ନା ଲେଃକେ: ଆକେନ୍ କିସ୍‌ଟ ବାରି ମଣ୍ଡୁଲି ଆଡାତ୍ରା ଦର୍‌କାର୍ ତାଗ୍‌ରେ ନେଙ୍‌ ଦ୍ରିଗ୍‌ଲେଃକେ ।

୩୩ ମାତର୍ ଆକେନ୍ ଆପେକେ ଡିଗ୍ ଦର୍‌କାର୍ । ସାପା ଜିରେଇଂ ସେଲ୍‌ମାମ୍‌ସୁଃକେ ଜିବନ୍ ବିରେ ଆଲାଦ୍ ତିଂଲେ ବାରି ସାପା ସେଲ୍‌ମାମ୍‌ସୁଃ ନିଜେନେ ଆଣ୍ଡାକେ ସନ୍‌ମାନ୍ ବିଲେ ।



ଆବା ଇୟାଙ୍‌ ବାରି ଉଙ୍‌ଡେ

୧* ଅ ଗଡେଇଂ, ମାପରୁ ନସାଃ ନିଜେ ନିଜେନେ ଆବା ଇୟାଙ୍‌ନେ ସାମୁଆଁ ମାନେଃନେପା । ମେଁ ତାଗ୍‌ଲା ଆକେନ୍ ଆଃ ନିମାଣ୍ଡା ବେବିଆର୍ ।

୨ “ପେନେ ଇୟାଙ୍‌ ଆବାକେ ସନ୍‌ମାନ୍ ବିଃପା ।” ମାତର୍ ଆକେନ୍ ପାର୍‌ମାନ୍‌ନିଆ ମୁଇଂ ପାର୍‌ମାନ୍ ଆଃମିସୁରେ ବାସଙ୍‌ବକେ ।

୩ “ଡିରକମ୍ ନାନେ ମଙ୍‌ଲ୍ ତିଂଏ, ଆରି ମଞ୍‌ପୁରେ ମାଲେ ଦିନ୍ ନାମ୍‌ଏ ।”

୪ ☆ ଇୟାଙ୍‌ ଆବାଇଂ ଗଡେଇଂକେ ରିସା ଆଡିଙ୍‌ନେ ସୁଗୁଆ ମେଃଡିଗ୍ ବେବିଆର୍ ଆଡିଙ୍‌ପା ମାତର୍ ମାପରୁନେ ବୁଦିରେ ଆମେଇଂକେ ପାଲେପା ।

ଗୁଡିରେ ବାରି ସାଉକାର୍

୫ ☆ ଗଡିରେ, ପେ କିସ୍‌ଟନେ ସେବା ଡିଙ୍‌ପେଡିଙ୍‌କେ ତାଗ୍‌ରେ ବାବେରେ ମନ୍ ବିଡ୍‌ରେ ବୁଟରେ ଜାଗତିକ ସାଉକାର୍‌ଇଂନେ ଆଦେସ୍ ମାନେଃପା ।

୬ ଉଡିବେଲା ସାଉକାର୍ ଆପେକେ କିକେନେ ବେଲା ମେଁନେ ମନ୍‌କେ ଖେକେ ସୁଗୁଆ ଆକେନ୍ ମାଡିଙ୍‌ରେ କିସ୍‌ଟନେ ଗଡିରେ

☆ ୨:୧ କଲସିୟ ୩:୨୦.

☆ ୨:୪ କଲସିୟ ୩:୨୧.

☆ ୨:୫ କଲସିୟ ୩:୨୨-୨୫.

ରକମ୍ ପେନି ସାପା ମନ୍ ବିଚେ ଇସ୍ପରନେ ଇକ୍ତା ପୁରନ୍ ଡିଙ୍ଗା
।

୭ ମୁଇଁ ରେମୁଆଁଇଁନେ ସେବା ଡିଙ୍ଗାପେଡିଙ୍ଗାକେ ଡାଗ୍ତେ
ମାବାବେଚେ ମାପରୁନେ ସେବା ଡିଙ୍ଗା ରକମ୍ ସାରଦାରେ ଆତେନ୍
ଡିଙ୍ଗାପା ।

୮ ମନେ ବପା ମେଁ ଗତିରେ ଡିଙ୍ଗାଲେ କି ନିଜର୍ ବିତ୍ତରେ ଲେଃକ୍ଲେ
ରେମୁଆଁ ଡିଙ୍ଗାଲେ ମାପରୁ ସାପାରେକେ ମେଃନେ ସତ୍ତକାମ୍ କେଚେ
ପୁରୁସ୍ତାର ବିଏ ।

୯*ସାଉକାରଇଁ ପେନେ ଗତିରେଇଁନେ ଆଡ଼ାଡ଼ା ଦୟା ବେବଆର୍
ଡିଙ୍ଗାପା ବାରି ଆମେଇଁକେ ଆରାବୁଟଗ୍ପା । ମନେ ବପା ପେ
ବାରି ପେନି ଗତିରେଇଁ ସାପାରେ କିତଂନେ ମାପରୁନେ ଆଲ ମେଁ
ସାପାରେକେ ସମାନ୍ ବାବ୍ରେ ବିଚାର ଡିଙ୍ଗାଏ ।

ଆଦ୍ୟାମ୍ବିକ ଜୁଦ୍ ଡିଙ୍ଗାନ୍ ଜିନିସ୍

୧୦ ସାରାସାରି ମାପରୁ ଏତେ ମିସୁଚେ ମେଃନେ ମ୍ମା ବପୁରେ ବପୁ
ଡିଙ୍ଗାପା ।

୧୧ ଇସ୍ପର ବିବକ୍ଲେ ସାପା ଜୁଦ୍ ତିଁନେ ଜିନିସ୍ ସଃଚେ ତିଆର୍
ଡିଙ୍ଗାପା ଜେଡ୍ଡିକି ସୟତାନ୍ନେ ଜାଲ୍‌ଅରିଆ ଲାଃନ୍‌ସା ସାମ୍ନା ଡିଙ୍ଗା
ପେୟାଏ ।

୧୨ ମେଃଡାଗ୍ଲା ନେ ମଞ୍ଚପୁର୍ଣ୍ଣେ ରେମୁଆଁ ବିରୁଦ୍ରେ ଜୁଦ୍
ଡିଙ୍ଗାନ୍‌ଡିଙ୍ଗାକେ; ମାତର୍ ନେ କିତଂନେ ଅଶ୍ଚୁତି ବପୁ, ଆକେନ୍
ଡାଙ୍ଗକିଗ୍ନେ ଜୁଗ୍‌କେ ସାସନ୍ ଡିଙ୍ଗାଣ୍ଡେ, ଦର୍ତ୍ତନିନେ ମ୍ମାଃରେଇଁ
ବିରୁଦ୍ରେ, ସାପା ମଞ୍ଚପୁର୍ଣ୍ଣେ ବପୁ ବିରୁଦ୍ରେ ଜୁଦ୍ ଡିଙ୍ଗାନ୍‌ଡିଙ୍ଗା ।

୧୩ ବାରି ଏବେ ଇସ୍ପର ବିବକ୍ଲେ ଜୁଦ୍ ତିଁନେ ଜିନିସ୍ ସଃପା;
ତେଲା ଝିଙ୍ଗାଆଃରିଂଆଃ କେଲା ପେ ସତ୍ତରୁକେ ନୁଆଁ ପେୟାଏ ବାରି
ସାରାସାରି ଜାକ ଜୁଦ୍ ଡିଙ୍ଗାଚେ ତିଗ୍ ମାବ୍‌ଚେଚେ ପେଲେଃ ।

୧୪ ତେସା ସତ୍ତରକମ୍‌ନେ ସକାସେକ୍‌ପୁଆ ଦାର୍ମିକ୍ ରକମ୍‌ନେ
ଗ୍ରିନେ ସାଜ ଆରି,

୧୫ ପାଦ୍‌ଚ ସାନ୍ତିନେ ମାପରୁ ସାମୁଆଁ ରକମ୍ ଜୁଡା ସଃଚେ ତିଆର୍
ଡିଙ୍ଗାଚେ ତୁଆଁପା ।

* ୭:୯ କଲସିୟ ୪:୧; କଲସିୟ ୩:୨୫.

^{୧୬} କାଲାଆଃ ବିସବାସନେ କାଣ୍ଡା ସାପା ଆକେନ୍ ସାଇଜରେ ସାୟତାନ୍‌ବାନ୍ ଖେଚେ ଲଃଲେଃକ୍ସେ ସାପାରେକେ ସୁଆ ଆଡୁଆନ୍‌ସା ପେନି ରାଜି ତିଙ୍ଗ୍‌ଏ ।

^{୧୭} ଉଦାର ରକମ୍ ବାଆଃ ମୁକୁଟ୍ ବାରି ପବିତ୍ର ଆମ୍ବା ବିବକ୍ସେ ଇସ୍‌ପରନେ ବ୍ଲାଲିର୍ ରକମ୍ କାଣ୍ଡା ସାପା ।

^{୧୮} ଇସ୍‌ପରନେ ସାଇଜ ସାଲିଆଚେ ପାର୍ତନାନେ ଏତେ ଆକେନ୍ ସାପା ତିଙ୍ଗ୍‌ପା । ସାପା ଅବସ୍ତାରେ ପବିତ୍ର ଆମ୍ବାନେ ଆଦେସ୍‌ରେ ପାର୍ତନା ତିଙ୍ଗ୍‌ପା । ତିଆର୍ ତିଙ୍ଗ୍ ଲାଲାପା ଅଃନାଡିର୍ ନିସ୍‌ଡ୍ ଆଡିଙ୍ଗ୍‌ପା । ଇସ୍‌ପର୍ ରେମୁଆଁ ଆଡୁଲା ଦିନ୍‌କେ ପାର୍ତନା ତିଙ୍ଗ୍ ଲାଲାପା ।

^{୧୯} ନେଙ୍ଗ୍ ଆଡୁଲା ତିର୍ ପାର୍ତନା ତିଙ୍ଗ୍‌ପା ଜେନ୍ତିକି ମାପୁରୁ ସାମୁଆନେ ଟିକିନିକି ବିସୟ୍ ଆଃମ୍ୟାଃନସା ବାରି ମାବ୍‌ଟେ ଆତେନ୍ ବାଲିର୍‌ନସା ଇସ୍‌ପର୍ ନେଙ୍ଗ୍ ତୁମୁଆଃନିଆ ନିମାଣ୍ଡା ନିମାଣ୍ଡା ବ୍ଲାଲିର୍ ବିଏ ।

^{୨୦} ଏବେ ତିର୍ ବନ୍ଦି ଅବସ୍ତାରେ ଲେଃଲା ତିର୍ ନେଙ୍ଗ୍ ମାପୁରୁ ସାମୁଆଁ ସା ମୁଇଁ ଇଃସାଙ୍ଗ୍‌ନେ ଦୁଡ୍ । ପାର୍ତନା ତିଙ୍ଗ୍‌ପା ଜେନ୍ତିକି ନେଙ୍ଗ୍ ସାହାସରେ ଟିକ୍‌ବେଲା ମାପୁରୁ ସାମୁଆଁ ବାସଙ୍ଗ୍ ଯାଏ ।

ସାରାସାରି ଆସିର୍‌ବାଦ୍

^{୨୧} ✠ନେଙ୍ଗ୍‌ନେ ଅବସ୍ତା ବିସୟ୍‌ରେ ପେ ତିରକମ୍ ମ୍ୟାଃପେୟାଏ ଆତେନ୍‌ସା ନେନେ ନିଜର୍ ବୟାଁ ବାରି ମାପୁରୁନେ କାମ୍ ତିଙ୍ଗ୍‌ତିଙ୍ଗ୍‌କ୍ସେ ବିସବାସ୍ ସେବକ୍ ତୁଖ୍‌ୟ୍ ନେଙ୍ଗ୍ ବିସୟ୍‌ରେ ଆପେକେ ସାପା ସାମୁଆଁ ବାସଙ୍ଗ୍‌ଏ ।

^{୨୨} ନେ ସାପାରେ ତିରକମ୍ ନେଲେଃକ୍ସେ ଆତେନ୍ ବିସୟ୍ ଆଃମ୍ୟାଃଚେ ଆପେକେ ସାର୍‌ଦା ଆଡିଙ୍ଗ୍‌ନେସା ନେଙ୍ଗ୍ ଆମେକେ ପେ ଡାଗୁରା ବେଣ୍ଟିଂ ।

^{୨୩} ଆବା ଇସ୍‌ପର୍ ବାରି ମାପୁରୁ ଜିସୁ କିସ୍‌ଟକେ ବିସବାସ୍ ତିଙ୍ଗ୍‌ନେ ତନା ବୟାଁକେ ସାନ୍‌ତି ଆଲାଦ୍ ବାରି ବିସବାସ୍ ବିଲେ ।

^{୨୪} ନେନେ ମାପୁରୁ ଜିସୁ କିସ୍‌ଟ ଡାଗ୍ରା ଜାଣ୍ଡେଇଁନେ ଆଲାଦ୍ ଅଃନା ଆଡାଣ୍ଡୁ ଚୁର୍ମ୍ ଆମେଇଁକେ ଅନୁଗ୍ରଅ ତିଙ୍ଗ୍‌ଲେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c